



სსიპ საქართველოს ადვოკატთა ასოციაციის
აღმასრულებელი საბჭოს
სხდომის ოქმი

თარიღი: 21 მარტი, 2024

სსიპ საქართველოს ადვოკატთა ასოციაცია

მისამართი: წინანდალი, კახეთი

სხდომის დაწყების დრო: 19:00

სხდომაში მონაწილე აღმასრულებელი საბჭოს წევრები: დავით ასათიანი (თავმჯდომარე), ციცილო ცხვედიანი, თორნიკე ბაქრაძე, როინ მიგრიაული, ინგა სეხნიაშვილი, ნათია კორკოტაძე, რაისა ლიპარტელიანი.

საკითხი 1. ასოციაციაში გაწევრიანება.

წევრები გაეცნენ თათია რუსიას განცხადებას გაწევრიანების შესახებ.

წევრებს მიეწოდათ ინფორმაცია, რომ განმცხადებელს წარმოდგენილი ჰქონდა „ადვოკატთა შესახებ“ საქართველოს კანონის მე-10 მუხლის, 1-ლი პუნქტის „გ“ ქვეპუნქტის თანახმად, პროფესიული ადაპტაციის პროგრამის სრული, ერთწლიანი კურსის გავლის დამადასტურებელი სერტიფიკატი და გაწევრიანებისთვის საჭირო ყველა დოკუმენტი. შესაბამისად, მის მიერ წარმოდგენილი განცხადებები თანდართული დოკუმენტებითურთ სრულად აკმაყოფილებს „ადვოკატთა შესახებ“ საქართველოს კანონის მე-10 მუხლის მოთხოვნებს.

წევრები გაეცნენ წარმოდგენილ განცხადებას და დოკუმენტებს. აღნიშნულ საკითხზე ერთხმად იქნა მიღებული გადაწყვეტილება: დაკმაყოფილდეს თათია რუსიას მიერ წარმოდგენილი განცხადება ადვოკატთა ასოციაციაში გაწევრიანების თაობაზე.

საკითხი 2. ასოციაციაში ხელახალი გაწევრიანება.

წევრები გაეცნენ:

ბადრი ინაშვილის და რუსლან გაბისონიას განცხადებებს ასოციაციაში ხელახალი გაწევრიანების თაობაზე.

წევრებს მიეწოდათ ინფორმაცია, რომ აღნიშნული პირების მიერ წარმოდგენილ განცხადებებს თან ერთვის ყველა საჭირო დოკუმენტი და შესაბამისობაშია „ადვოკატთა შესახებ“ საქართველოს კანონის მე-10 მუხლის მოთხოვნებთან.

აღნიშნულ საკითხზე ერთხმად იქნა მიღებული გადაწყვეტილება: „ადვოკატთა შესახებ“ საქართველოს კანონის მე-10 მუხლის თანახმად, დაკმაყოფილდეს ბადრი ინაშვილის და რუსლან გაბისონიას მიერ წარმოდგენილი განცხადებები ასოციაციაში ხელახლა გაწევრიანების თაობაზე.

საკითხი 3. წევრობის შეჩერების შესახებ განცხადების განხილვა.

წევრები გაეცნენ ნინო ხარიტონაშვილის, თამარ შუმიაშვილის და **2024 წლის საწევრო დავალიანების მქონე წევრის** - არჩილ სიხარულიძის განცხადებებს “ადვოკატთა შესახებ” საქართველოს კანონის 21² მუხლის, პირველი პუნქტის, „ა“ ქვეპუნქტის თანახმად წევრობის შეჩერების შესახებ.

წევრებმა განაცხადეს, რომ ჩამოთვლილ პირთაგან, რომელთაც ასოციაციის წესდების 29-ე მუხლის, 29.3 პუნქტის თანახმად, 2024 წლის საწევრო აქვთ გადასახდელი, ეცნობოთ, რომ “ადვოკატთა შესახებ” საქართველოს კანონის 21² მუხლის, პირველი პუნქტის, „ა“ ქვეპუნქტის თანახმად, აღმასრულებელი საბჭო ვალდებულია მიიღოს გადაწყვეტილება ადვოკატისთვის წევრობის შეჩერების შესახებ. თუმცა წევრობის შეჩერება მანამდე არსებული დავალიანების გაუქმების საფუძველი არ არის და ამავდროულად კანონის 21³ მუხლის პირველი პუნქტის, “ზ” ქვეპუნქტის თანახმად, საწევრო გადასახადის გადაუხდელობის შემთხვევაში, პირს შეუწყდება ასოციაციის წევრობა. გარდა ამისა, აღნიშნულ საკითხთან დაკავშირებით, არსებობს 2012 წლის 30 მაისის ადვოკატთა ასოციაციის აღმასრულებელი საბჭოს გადაწყვეტილება, რომლის თანახმად: “საწევრო დავალიანების მქონე პირს, რომელიც მომართავს ასოციაციას პირადი განცხადებით, წევრობის შეჩერების შესახებ, „ადვოკატთა

შესახებ“ საქართველოს კანონის, 21² მუხლის, 1-ლი პუნქტის (ადვოკატს ადვოკატთა ასოციაციის წევრობა შეუჩერდება ამ კანონის 21³ მუხლის მე-2 პუნქტით დადგენილი წესით, ასოციაციის აღმასრულებელი საბჭოს გადაწყვეტილებით), „ა“ ქვეპუნქტის (პირადი განცხადების საფუძველზე) თანახმად, დაუკმაყოფილდეს განცხადება წევრობის შეჩერების შესახებ; თუმცა წევრობის შეჩერება არ გახდება უკვე არსებული საწევრო დავალიანებისგან გათავისუფლების საფუძველი, რომლის გადახდის ვალდებულება პირს წევრობის შეჩერებამდე, ადვოკატთა ასოციაციის წესდების 29-ე მუხლის, 29.3 პუნქტის (ყოველი მომდევნო წლის საწევრო შენატანის გადახდა ხდება ყოველწლიურად, მიმდინარე წლის 31 დეკემბრამდე) თანახმად წარმოეშვა. საწევრო დავალიანების გადაუხდელობის შემთხვევაში, უფლებამოსილება შეჩერებულ ადვოკატს, „ადვოკატთა შესახებ“ საქართველოს კანონის, 21³ მუხლის, პირველი პუნქტის (ადვოკატს ადვოკატთა ასოციაციის წევრობა შეუწყდება), „ზ“ ქვეპუნქტის (თუ არ იხდის საწევრო გადასახადს) თანახმად, შეუწყდება ასოციაციის წევრობა“.

აღნიშნულ საკითხზე ღია კენჭისყრის შედეგად, ერთხმად იქნა მიღებული გადაწყვეტილება: „ადვოკატთა შესახებ“ საქართველოს კანონის, 21² მუხლის, 1-ლი პუნქტის, „ა“ ქვეპუნქტის თანახმად, დაუკმაყოფილდეს ნინო ხარიტონაშვილის, თამარ შუმიაშვილის და 2024 წლის საწევრო დავალიანების მქონე წევრის - არჩილ სიხარულიძის განცხადებები წევრობის შეჩერების შესახებ. ამასთან, 2024 წლის საწევრო დავალიანების მქონე პირებს ეცნობოთ ინფორმაცია მათ მიმართ არსებული საწევრო დავალიანების და 2012 წლის 30 მაისის აღმასრულებელი საბჭოს გადაწყვეტილების შესახებ, აგრეთვე ეცნობოთ იმის შესახებ, რომ დავალიანების გადაუხდელობის შემთხვევაში მათ შეუწყდებათ ასოციაციის წევრობა.

საკითხი 4. 2024 წლის საწევრო დავალიანების მქონე წევრთა მიმართ ინდივიდუალური ადმინისტრაციულ-სამართლებრივი აქტის გამოცემის თაობაზე საკითხის განხილვა.

წევრებმა მოისმინეს ინფორმაცია, რომ 2023 წლის 21 მარტის მდგომარეობით, ასოციაციის 548 წევრს უფიქსირდება 2024 წლის საწევრო დავალიანება. თავმჯდომარემ განაცხადა, რომ რადგან ასოციაციის თვითმიზანი არ არის წევრთა უფლებამოსილების შეწყვეტა და ამავდროულად, წარმოდგენილია განცხადებები საწევროს გადავადების თაობაზე, მიზანშეწონილია, კოლეგებს მიეცეთ შესაძლებლობა ადმინისტრაციული წარმოების ვადის გაგრძელებით დაფარონ საწევრო დავალიანება. თავმჯდომარემ წევრებს შესთავაზა საქართველოს ადმინისტრაციული კოდექსის მე-100 მუხლის თანახმად, საწევრო დავალიანების დაფარვის ვადის გაგრძელება დამატებით 25 კალენდარული დღით - 2024 წლის 16 აპრილამდე.

ღია კენჭისყრაზე დადგა საკითხი 2024 წლის 06 თებერვალს აღმასრულებელი საბჭოს მიერ მიღებული გადაწყვეტილების თანახმად, დაწყებული ადმინისტრაციული წარმოებით

დადგენილი ინდივიდუალური ადმინისტრაციულ - სამართლებრივი აქტის გამოცემის და შესაბამისად, საწევრო დავალიანების დაფარვის ვადის 25 კალენდარული დღით, ანუ 2024 წლის 16 აპრილამდე გაგრძელების თაობაზე.

აღნიშნულ საკითხზე ღია კენჭისყრის შედეგად, ერთხმად იქნა მიღებული გადაწყვეტილება: 2024 წლის 06 თებერვლის აღმასრულებელი საბჭოს გადაწყვეტილების თანახმად, დაწყებული ადმინისტრაციული წარმოებით დადგენილი ინდივიდუალური ადმინისტრაციულსამართლებრივი აქტის გამოცემის და შესაბამისად, საწევრო დავალიანების დაფარვის ვადა გაგრძელდეს 25 კალენდარული დღით და ინდივიდუალური ადმინისტრაციულ - სამართლებრივი აქტის გამოცემის ვადად განისაზღვროს 2024 წლის 16 აპრილი.

საკითხი 5. 2024 წლის საწევრო დავალიანების გადავადების შესახებ განცხადებების განხილვა.

წევრები გაეცნენ საწევრო დავალიანების გადავადების შესახებ განცხადებებს. თავმჯდომარემ წევრებს შესთავაზა, რომ წარმოდგენილი განცხადებების განხილვა გადაიდოს და განხილულ იქნეს ადმინისტრაციული წარმოების მიმდინარეობისას.

აღნიშნულ საკითხზე ღია კენჭისყრის შედეგად, ერთხმად, იქნა მიღებული გადაწყვეტილება: საწევრო დავალიანების გადავადების შესახებ განცხადებების განხილვა გადაიდოს იმ სხდომაზე, სადაც განხილულ იქნება ადმინისტრაციული წარმოება და განისაზღვრება შესაბამისი გადახდის ვადები.

საკითხი 6. ეთიკის კომისიის კანონიერ ძალაში შესული გადაწყვეტილების აღსრულების საკითხის განხილვა ადვოკატ მანანა ბაფერიძის მიმართ.

წევრები გაეცნენ ასოციაციის ეთიკის კომისიის მომართვას, რომლის თანახმად, ეთიკის კომისიამ ადვოკატ მანანა ბაფერიძის (სიითი N0114) მიმართ 2023 წლის 20 ოქტომბრის საქმეზე N095/22 მიიღო გადაწყვეტილება საადვოკატო საქმიანობის უფლების 6 (ექვსი) თვის ვადით ჩამორთმევის თაობაზე. ადვოკატმა გადაწყვეტილება გაასაჩივრა საქართველოს უზენაესი სასამართლოს სადისციპლინო პალატაში. საქართველოს უზენაესი სასამართლოს 2024 წლის 24 იანვრის გადაწყვეტილებით, ადვოკატთა ასოციაციის ეთიკის კომისიის 2023 წლის 20 ოქტომბრის გადაწყვეტილება დარჩა უცვლელი, რაც ამჟამად კანონიერ ძალაშია შესული.

წევრებმა განაცხადეს, რომ „ადვოკატთა შესახებ“ საქართველოს კანონის 26-ე მუხლის მე-7 პუნქტის „მ“ ქვეპუნქტის მიხედვით, საქართველოს ადვოკატთა ასოციაციის აღმასრულებელი საბჭო „აღასრულებს საქართველოს ადვოკატთა ასოციაციის საერთო

კრების, ეთიკის კომისიისა და სარევიზიო კომისიის გადაწყვეტილებებს”. ადვოკატთა ასოციაციის ეთიკის კომისიის 2023 წლის 20 ოქტომბრის საქმეზე N095/22 მიღებული გადაწყვეტილების თანახმად, ადვოკატ მანანა ბაფერიძეს (სიითი N0114) მიმართ საადვოკატო საქმიანობის უფლების 6 (ექვსი) თვის ვადით ჩამორთმევის თაობაზე საკითხზე ღია კენჭისყრის შედეგად (მომხრე - 7, წინააღმდეგი - 0), ერთხმად იქნა მიღებული გადაწყვეტილება:

„ადვოკატთა შესახებ“ საქართველოს კანონის 26-ე მუხლის მე-7 პუნქტის „მ“ ქვეპუნქტის თანახმად, აღსრულდეს ადვოკატთა ასოციაციის ეთიკის კომისიის 2023 წლის 20 ოქტომბრის საქმეზე N095/22 მიღებული გადაწყვეტილება და მანანა ბაფერიძეს (სიითი N0114) შეუჩერდეს საადვოკატო საქმიანობის უფლება 6 (ექვსი) თვის ვადით.

საკითხი 7. პროფესიული ადაპტაციის პროგრამის თეორიული კურსის ლექტორების დამტკიცება.

წევრები გაეცნენ გელა სიორდიას და სულხან კომახიძის ბიოგრაფიებს.

აღნიშნულ საკითხზე ღია კენჭისყრის შედეგად, ერთხმად იქნა მიღებული გადაწყვეტილება: (ა) პროფესიული ადაპტაციის პროგრამის დებულების მე-7 მუხლის, 7.1 პუნქტის თანახმად, დამტკიცდეს გელა სიორდიას და სულხან კომახიძის კანდიდატურები პროფესიული ადაპტაციის პროგრამის თეორიული კურსის ტრენერად.

(ბ) შესაბამისი გადაწყვეტილების აღსრულება დაევალოს სასწავლო ცენტრის დირექტორს.

საკითხი 8.

(ა) ახალგაზრდა ადვოკატთა კომიტეტში გაწევრიანების შესახებ განცხადებების განხილვა.

წევრები გაეცნენ ვიქტორია-სოფიო ხუციშვილის, ლელა გოჩიტაშვილის, მარიამ სარიშვილის და თამთა აშორტიას განცხადებებს ახალგაზრდა ადვოკატთა კომიტეტში გაწევრიანების შესახებ.

აღნიშნულ საკითხზე ღია კენჭისყრის შედეგად, ერთხმად იქნა მიღებული გადაწყვეტილება:

(1) დაკმაყოფილდეს ვიქტორია-სოფიო ხუციშვილის, ლელა გოჩიტაშვილის, მარიამ სარიშვილის და თამთა აშორტიას განცხადებები ადვოკატთა ასოციაციის ახალგაზრდა ადვოკატთა კომიტეტში გაწევრიანების თაობაზე და კომიტეტის დებულების მე-4 მუხლის, 4.4 პუნქტის თანახმად, დამტკიცებულ იქნეს ვიქტორია-სოფიო ხუციშვილის, ლელა გოჩიტაშვილის, მარიამ სარიშვილის და თამთა აშორტიას კანდიდატურები ადვოკატთა ასოციაციის ახალგაზრდა ადვოკატთა კომიტეტის წევრებად.

(2) გადაწყვეტილების აღსრულება დაევალოს ანალიტიკური და საკომიტეტო საქმიანობის დეპარტამენტის უფროსს.

(ბ) ადამიანის უფლებებისა და საერთაშორისო სამართლის კომიტეტში გაწევრიანების შესახებ განცხადების განხილვა.

წევრები გაეცნენ სალომე კალაიჯიშვილის განცხადებას ადამიანის უფლებებისა და საერთაშორისო სამართლის კომიტეტში გაწევრიანების შესახებ.

აღნიშნულ საკითხზე ღია კენჭისყრის შედეგად, ერთხმად იქნა მიღებული გადაწყვეტილება:

(1) დაკმაყოფილდეს სალომე კალაიჯიშვილის განცხადება ადვოკატთა ასოციაციის ადამიანის უფლებებისა და საერთაშორისო სამართლის კომიტეტში გაწევრიანების თაობაზე და კომიტეტის დებულების მე-4 მუხლის, 4.5 პუნქტის თანახმად, დამტკიცებულ იქნეს სალომე კალაიჯიშვილის კანდიდატურა ადვოკატთა ასოციაციის ადამიანის უფლებებისა და საერთაშორისო სამართლის კომიტეტის წევრად.

(2) გადაწყვეტილების აღსრულება დაევალოს ანალიტიკური და საკომიტეტო საქმიანობის დეპარტამენტის უფროსს.

საკითხი 9. საქართველოს ადვოკატთა ასოციაციის პროფესიული ადაპტაციის პროგრამის სტაჟირების ხელმძღვანელი ადვოკატების დამტკიცება.

წევრები გაეცნენ ავთანდილ გიორგაძის, სალომე კალაიჯიშვილის, რუსლან ცეცხლაძის და თამარ პატიეშვილის განცხადებებს, ადვოკატთა ასოციაციის პროფესიული ადაპტაციის პროგრამის სტაჟირების ხელმძღვანელ ადვოკატებად დამტკიცების შესახებ.

წევრებს მიეწოდათ ინფორმაცია, რომ განმცხადებლები აკმაყოფილებენ პროფესიული ადაპტაციის პროგრამის დებულების 10.1 და 10.2 პუნქტებით დადგენილ მოთხოვნებს.

აღნიშნულ საკითხზე ერთხმად იქნა მიღებული გადაწყვეტილება:

(ა) დამტკიცდეს ადვოკატთა ასოციაციის პროფესიული ადაპტაციის პროგრამის სტაჟირების ხელმძღვანელ ადვოკატებად ავთანდილ გიორგაძის, სალომე კალაიჯიშვილის, რუსლან ცეცხლაძის და თამარ პატიეშვილის კანდიდატურები.

(ბ) გადაწყვეტილების ასახვა სტაჟირების ხელმძღვანელ ადვოკატთა რეესტრში დაევალოს სასწავლო ცენტრის დირექტორს.

საკითხი 10. სხვადასხვა.

წევრები გაეცნენ:

(ა) თენგიზ ეხვასიას წევრობის აღდგენის შესახებ განცხადების განხილვა.

წევრებს მიეწოდათ ინფორმაცია, რომ განმცხადებელს წევრობა ჰქონდა შეწყვეტილი საწევრო დავალიანების გამო 2019 წლის 02 ივლისის გადაწყვეტილებით, დავალიანებით 600 (ექვსასი) ლარის ოდენობით.

წევრებს ასევე მიეწოდათ ინფორმაცია, რომ განმცხადებელს გადახდილი ჰქონდა საწევრო დავალიანების ნაწილი 200 (ორასი) ლარის ოდენობით და საბჭოს მომართავდა თხოვნით აღდგენოდა უფლებამოსილება და გადავადებოდა დარჩენილი საწევრო დავალიანების გადახდისგან.

წევრებმა განაცხადეს, რომ რადგანაც ამ ეტაპზე მიმდინარეობს ადმინისტრაციული წარმოება, საბჭო უფლებამოსილია განმცხადებელს მისცეს შესაძლებლობა მიმდინარე ადმინისტრაციული წარმოების პროცესში, გადაუვადდეს დარჩენილი საწევრო დავალიანება.

აღნიშნულ საკითხზე ღია კენჭისყრის შედეგად, ერთხმად იქნა მიღებული გადაწყვეტილება: 1. დაკმაყოფილდეს თენგიზ ეხვასიას განცხადება და მას აღუდგეს წევრობა.

2. განმცხადებელს მიეცეს შესაძლებლობა დარჩენილი საწევრო დავალიანება დაფაროს მიმდინარე ადმინისტრაციული წარმოების შედეგად შემოსული, გადავადების მოთხოვნის განმცხადებლებთან ერთად.

3. მიღებული გადაწყვეტილება ეცნობოს განმცხადებელს.

აღმასრულებელი საბჭოს სხდომა გამოცხადდა დასრულებულად.

წინამდებარე აქტი და მასში ასახული გადაწყვეტილებები ძალაში შედის ხელმოწერისთანავე. წინამდებარე აქტი გამოქვეყნდეს სსიპ საქართველოს ადვოკატთა ასოციაციის ოფიციალურ ვებ-გვერდზე, მისამართი: www.gba.ge.

წინამდებარე აქტი და მასში ასახული გადაწყვეტილებები შეიძლება გასაჩივრდეს მისი გამოქვეყნების დღიდან ერთი თვის ვადაში თბილისის საქალაქო სასამართლოში (მისამართი: ქალაქი თბილისი, დავით აღმაშენებლის ხეივანი N64).

დავით ასათიანი

თავმჯდომარე